

Sıra: 4

IST_MFT_MSH_SAID_0254_0020_1_1337H_Safer_15 [20 Kasım 1918]_N

Bayramiyye'den Emekyemez Dergâhı postnişini Halil Cemâleddin Efendi.

Suâller:

1- Terceme-i hâl sâhibinin isim ve mahlası ve şöret ve lakabı, bir sülâle-i ma'rûfeye mensûb ise keyfiyyet-i nisbeti, mezheb-i i'tikâdî ve amelîsi ve hangi tarîkten müstahlef olduğu ve târih-i intisâbiyla müstahlef oluncaya kadar müddet-i hizmeti ve şeyhinin isim ve şöret?

2- Târih ve mahall-i vilâdeti ve pederinin isim ve şöret?

3- Resmî ve husûsî hangi mekteb ve medreselerde yâhud muallim-i mahsûsdan hangi ilim ve fen ve sanat ve lisânları ne dereceye kadar tahsîl eylediği, şehâdetnâme ve tasdîknâme ve icâzetnâme alıp almadığı, almış ise târihleri, hangi lisânlarla kitâbet yâhud yalnız tekellüm ettiği, tab ve neşrolunmuş eser ve te'lîfi var ise neye dâir olup ne zaman ve nerede tab ve neşrolunduğu?

4- Hâl-i hâzırda veyâhud evvelce hizmet-i devlette bulunup bulunmadığı?

5- Postnişini bulunduğu dergâh-ı şerîfin bir veya müteaddid ismi ve ne nâm ile yâd olunduğu ve semt-i meşhûru ve meşihat cihetinin târih-i tevcihi?

6- Bânîsinin ve ikinci bânîsi var ise isimleri ve târih-i binâsı?

7- Dergâhın esâsen mensûb olduğu tarîkat-i aliyye ile el-yevm erkânı icrâ edilmekte olan tarîkat-ı aliyyenin ismi, eyyâm ve leyâli-i mahsûsası, el-yevm icrâ-yı erkân edilmemekte ise sebebi?

Dergâhta meşihatten mâ'adâ cihât-ı sâirenin meşrût ve mevcûd olup olmadığı ve kimlerin uhdelerinde bulunduğu ve dergâhın ma'mûlün-bih ve müseccel vakfiyesi bulunup bulunmadığı ve vakfiyesi yok ise te'âmül-i kadîmi neden ibâret olduğu?

8- Sâhib-i tercemenin hulefâsı var ise isim ve şöretleri ve mahal ve târih-i vilâdetleri ve inâbe eden dervîşânın adedi?

9- İşbu varakada muharrer suâllerin cevâbları alâ-vechi's-sıhha cevâb hânelerine tahrîr ve zir-i varaka imzâ ve tahtîm edildikten sonra merkezlerden ve merkez bulunan tekâyâ meşâyihinin terâcim-i ahvâli Sermüfettişlik'ten ba'de't-tasdîk Meclis'e tevdi' olunacaktır. Bir me'mûriyette bulunup da evvelce terceme-i hâl varaka-i resmiyesi i'tâ etmiş olan zevât dahi Meclis-i Meşâyih Nizâm-nâmesi ahkâmına tebe'an işbu varakayı imlâ edeceklerdir.

Cevaplar:

1- İsmim Halil Cemâleddin Efendi olup ehl-i sünnetten Mâturîdiyyü'l-i'tikâd ve Hanefiyyü'l-mezhebimdir. Tarîkat-i aliyye-i Bayramiyye'den Dersââdet'te Himmetzâde Dergâh-ı şerîfi postnişini Şeyh Mehmed Hüsâmeddin Efendi merhûmdan ahz-ı nisbet ile müstahlefim. Yedimde gerek pederim merhûmdan ve gerek şeyh-i müşârün-ileyhden icâzetim vardır. Bin üç yüz yirmi yedi senesi Receb'inin on sekizinci günü ilbâs-ı tâc ü hırka olundum.

2- Bin iki yüz yetmiş dokuz senesinde Üsküdar'da tevellüd ettim. Pederim Salacak'ta kâin Bayramiyye'den Emekyemez Dergâhı Şeyhi Mehmed Aziz Efendi merhûmdur.

3- Paşakapısı Mülkiye ve Toptaşı Askerî rüşdiyelerinde tahsîli mu'tâd olan ulûm ve fûnûnu bi't-tahsîl 7 Şa'bân sene [1]297 [15 Temmuz 1880] târihli bir kıt'a şehâdetnâme ahzına muvaffak oldum. Türkçe okur-yazarım.

4- Rüsûmât Emânet-i celilesi Poliçe Tahtası Mukayyidliği'nde yirmi yedi sene kadar hüsn-i hizmetle tekâüd olundum.

5- El-yevm postnişini bulunduğum dergâh-ı şerîfin ismi Emekyemez Hüseyin Efendi Dergâhı nâmıyla yâd olunur. Üsküdar'da Salacak İskelesi civârında kâindir. Pederimin vuku'-ı vefâtıyla fî Zilhicce sene [1]327 [1909/1910] târihinde dergâh-ı mezkûr meşîhat ciheti uhde-i âcizâneme tevcîh ve tefvîz buyurulmuştur.

6-Dergâh-ı mezkûrun bânisi Kutbü'l-ârifin Akşemseddin hazretlerinin hulefâsından Emekyemez Hüseyin Efendi olup bin iki yüz seksen senesinde ammim Şeyh Mustafa Âkif Efendi tarafından müceddeden binâ olunmuştur.

7- Dergâh-ı mezkûr tarikat-i aliyye-i Bayramiyye'ye mensûb olup el-yevm erkân-ı Bayramiyye icrâ ve pazartesi günleriyle leyâlî-i mübâreke de küşâd olunmaktadır. Dergâh-ı şerîf-i mezkûr cennet-mekân Fâtih Sultan Mehmed Hân-ı Sâni zamanına karîb binâ olunmakla vakfiyesi yoktur ancak o târihten beri te'âmül-i kadîmi vechile Bayramî dergâhıdır.

8- Dâ'ilerin gerek halîfe ve gerek dervîşi olmayıp müdâvimîn muhibbân-ı turuk-ı aliyyeden ibârettir.

9- Fî 15 Saferü'l-hayr sene [1]337 [1918/1919] ve F[î 20 Teşrîn-i sâni sene [1]334] [20 Kasım 1918] Dergâh-ı mezkûrun hâdimi ed-dâ'î: Halil Cemâleddin. İşbu terceme-i hâl varakası Emekyemez Dergâh-ı şerîfi postnişini efendi tarafından i'tâ olmağla şerh verildi.

Sıra: 5

IST_MFT_MSH_SAID_0254_0021_1_1337H_Safer_15 [20 Kasım 1918]_N

Ümmî Ahmed Efendi Dergâhı postnişini Ahmed Şerafeddin Efendi.

Suâller:

1- Terceme-i hâl sâhibinin isim ve mahlası ve şöhret ve lakabı, bir sülâle-i ma'rûfeye mensûb ise keyfiyyet-i nisbeti, mezheb-i i'tikâdî ve amelîsi ve hangi tarikten müstahlef olduğu ve târih-i intisâbıyla müstahlef oluncaya kadar müddet-i hizmeti ve şeyhinin isim ve şöhreti?

2- Târih ve mahall-i vilâdeti ve pederinin isim ve şöhreti?

3- Resmî ve husûsî hangi mekteb ve medreselerde yâhud muallim-i mahsûsdan hangi ilim ve fen ve sanat ve lisânları ne dereceye kadar tahsîl eylediği, şehâdetnâme ve tasdiknâme ve icâzetnâme alıp almadığı, almış ise târihleri, hangi lisânlarla kitâbet yâhud yalnız tekellüm ettiği, tab ve neşrolunmuş eser ve te'lîfi var ise neye dâir olup ne zaman ve nerede tab ve neşrolunduğu?

4- Hâl-i hâzırda veyâhud evvelce hizmet-i devlette bulunup bulunmadığı?

5- Postnişini bulunduğu dergâh-ı şerîfin bir veya müteaddid ismi ve ne nâm ile yâd olduğu ve semt-i meşhûru ve meşîhat cihetinin târih-i tevcîhi?

6- Bânîsinin ve ikinci bânîsi var ise isimleri ve târih-i binâsı?

7- Dergâhın esâsen mensûb olduğu tarikat-i aliyye ile el-yevm erkânı icrâ edilmekte olan tarikat-ı aliyyenin ismi, eyyâm ve leyâlî-i mahsûsası, el-yevm icrâ-yı erkân edilmemekte ise sebebi?

Dergâhta meşîhatten mâ'adâ cihât-ı sâirenin meşrût ve mevcûd olup olmadığı ve kimlerin uhdelerinde bulunduğu ve dergâhın ma'mûlün-bih ve müseccel vakfiyesi bulunup bulunmadığı ve vakfiyesi yok ise te'âmül-i kadîmi neden ibâret olduğu?